

Monday, May 11, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

CM

Chief Minister Pu Lalduhoman Ministry of DoNER Secretary Sanjay Jaju hnenah Mizo Ginger USP NEC fund tur approve a nih avangin lawmthu a hrilh.

Nimin tlai-a CM Bangla-a DoNER Secretary nen an inkawmnaah Mizoram in sawhthing an thar tha a, sawhthingte hi a quality a thain a thianghlim a. NITI Aayog chuan Ginger Capital of India-ah a puan thu a hrilh a ni. He fund hi sawhthing chingtute tan a tangkai hle dawn a ni, a ti. Chief Minister hian zaa 10 GBS mumal zawk leh langtlang zawka kalpui a nih theih nana hmalak a tul thu a lo hrilh a. DoNER Secretary hian lo enzui a tiam a ni.

NESIDS (Roads) hnuaiia Khankawn to Rongura Hmun hi Km 1.70 vela sei laih belhin Thenzawl Buarpu Intermediate Lane a pawh thei a. A tangkai hle dawn a. Chuvang chuan a laih zawhna ngaihtuahpui tura rawtna pawh DoNER Secretary hian hma a lak tur thu a hrilh a ni. Pu Sanjay Jaju hian Thenzawl Golf Resort tihchangtlunna atan private investor te an luh theihna tura hma lak a tum thu Chief Minister hi a hrilh. Mizoram sawrkar pending DoNER scheme project thenkhat te an sawi dun bawk.



MOTHER'S DAY : SOCIAL WELFARE MINISTER

Tukin khan Health & Family Welfare Minister Pi Lalrinpui Lunglei East bialtu MLA ni bawkhuan a bial chhung, Lunglei Electric Venga awm, Animal Husbandry & Veterinary Department Sa Talhna In chu a hmunah tlawhin, tangkai taka hman theih dan tur a enfiah.

Minister hi Lunglei Municipal Council (LMC) Chairman Pu Lalzuithanga hovin khawtlang hruaitute leh sa talhtu pawl ai awhte'n tawiaawmin, AH & Vety Department Joint Director Dr Ngurzidingi Sailo, District AH & Vety Officer Dr Lalengzami Hrahse, Integrated AH & Vety Training Institute Principal Dr Lalmuanpuia Samte leh thawktu dangte'n a hmunah an lo dawngsawng a. Slaughter House hmunhna fang hovin, a dinhmun an en ho bakah, tangkai taka hman zui a nih theih dan tur ruahmanna hrang hrang an sawi ho a ni.

Slaughter House hi kum 2013 khan AH & Vety Department-in a sak bul tanin, kum 2015-ah hman theiha sak zawh fel a ni a. Chhan hrang hrang avangin hman tangkai lohvin a awm zui a. Bialtu MLA chuan hei hi ngai pawimawhin, tangkai taka hman a nih theih nana hma la turin LMC hotute, AH & Vety Department leh sa talhtute chu khunkhan takin a sawipui a ni.

Minister Pi Lalrinpui chuan ran talh avangin natna hrik inkai theih tam tak a awm a, khaw chhunga sa talh mai mai chu a him lovin, a hrisel lo tih sawiin, Lunglei khawpuia mihring pung chho zel avang leh LMC a lo din tak avangin inkaihhraina fel tak nen sa talhna in chu hman tangkai dan ngaihtuah a tul tih a sawi a. Sa talhna in chu Lunglei mipuite'n sa thianghlim leh hrisel an ei theihna atana tangkai tak tur a nih thu sawiin, sawrkar thuneitute leh department lam nen tang hovin a hma thei ang bera hman theih turin hma lak an tum thu a sawi.

Minister hma lakna avang hian Power & Electricity Department lam pawhin Slaughter House bulah hian transformer thar bun turin hma an lak nghal tur thu an sawi bawk.



KHAWZAWL KVK

Khawzawl KVK chuan Senior Scientist & Head Dr. Malsawmkimi kaihhruiin KVK Training hall-ah Farmers-Scientist inkawmna hun an hmang a.

He hunah hian Tualpui khuaa kuthnathawktu chungkaw 21-te kalkhawmin, thlaichin kawnga an harsatna hrang hrangte sawi khawmin hun hlawk tak an hmang a ni.

Kalkhawmte chu tlai chi chi hrang hrang Indian Institute of Horticulture Research (IIHR-NEH) Scheme hnuai atangin pek nghal anni bawk.



G-RAM G

Kum khata ni 125 inhlawhna tur Viksit Bharat – Guarantee for Rozgar and Ajeevika Mission (Gramin) Act, 2025 (VB-G RAM G) chu rampumah July ni 1 atang khian hman tan a ni dawn.

Sorkar laipui Rural Development Ministry chuan sorkar kum khat chhungin ni 125 inhlawhna an siam hian thingtlang khawsak a chawikan phah hle dawn a, he scheme atan hian cheng vbc sing 9 & 5,692 chu dahhran a ni tawh a ni.

Viksit Bharat–G RAM G Act hiankum 20 chhung ramchhunga lo hman tawh, ni 100 inhlawhna- Mahatma Gandhi National Rural Employment Guarantee Act (MGNREGA), 2005 chu a thlak dawn a, he scheme hnuai hian a hman tur hun chhunga hna siam anih loh chuan thawhloh hlawh-unemployment allowance siam a ni dawn a, hei hi kum 2047-a Viksit Bharat India ramn a thlen tum tihpuitlinna tur zinga mi a ni.

